



Cyfrifon banc sylfaenol heb ffi

- Sut maen nhw'n gweithio
- Pethau i'w hystyried
- Pwy sy'n eu cynnig



Gwneud eich arian a'ch dewisiadau pensiwn yn gliriach

Beth bynnag fo'ch amgylchiadau neu'ch cynlluniau, mae HelpwrArian ar eich ochr chi. Ar-lein a thros y ffôn, cewch arweiniad clir ar arian a phensiynau sy'n gyflym dod o hyd iddo, yn hawdd ei ddefnyddio ac wedi'i gefnogi gan y Llywodraeth. Gallwn hefyd eich cyfeirio at wasanaethau dibynadwy, os oes angen mwy o gefnogaeth arnoch.

Yn agored i bawb ac am ddim i'w ddefnyddio, mae HelpwrArian yn eich helpu i glirio dyledion, lleihau gwariant a gwneud y gorau o'ch incwm. Er mwyn cefnogi anwyliaid, cynlluniwch ymlaen llaw ar gyfer pryniannau mawr a dysgu am hawliau. Adeiladu cynilion a phensiynau, a gwybod eich opsiynau.

Chwiliwch am HelpwrArian: moneyhelper.org.uk/cy

Arweiniad diduedd am ddim

ar y we l ar y ffôn

Darparwyd gan



**Gwasanaeth
Arian a
Phensiynau**



Yma i'ch helpu chi

Mae'r arweiniad hwn i chi os ydych am ddysgu rhagor am gyfrifon banc sylfaenol heb ffi.

Cynnwys

Pwyntiau allweddol ynghylch cyfrifon banc sylfaenol heb ffi	2	Sut mae gwasanaethau cyfrif banc sylfaenol heb ffi yn gweithio	6
A gaf i agor cyfrif banc sylfaenol heb ffi?	3	Pan gaiff eich cais i gael cyfrif banc sylfaenol heb ffi ei wrthod	8
Sut i agor cyfrif banc sylfaenol heb ffi	4	Uwchraddio i gyfrif cyfredol gwasanaeth llawn	9
Defnyddio eich cyfrif banc sylfaenol heb ffi	5	Egluro'r jargon	10
		Cysylltiadau defnyddiol	11

Pwyntiau allweddol ynghylch cyfrifon banc sylfaenol heb ffi

Mae cyfrifon banc sylfaenol heb ffi i bobl nad ydynt yn gymwys i gael cyfrif cyfredol safonol.

Gallai hyn fod oherwydd nad ydych wedi adeiladu hanes credyd, neu efallai bod gennych hanes credyd gwael oherwydd problemau arian a'ch bod am ddefnyddio cyfrif banc sylfaenol heb ffi tan y byddwch yn gymwys i gael cyfrif cyfredol safonol eto.

Gall agor cyfrif banc sylfaenol heb ffi eich helpu i gymhwyso am gyfrif banc gwasanaeth llawn a gwella eich sgôr credyd.

Nid oes taliadau ar gyfer rhedeg cyfrif banc sylfaenol heb ffi, ac ni fydd rhaid i chi dalu ffioedd am ddebydau uniongyrchol nac archebion sefydlog sy'n methu.

Ond gallai'r bobl y mae arnoch chi arian iddynt godi tâl arnoch am daliadau a fethir.

Ni fydd gennych fynediad at orddrafft.

Codir tâl am brynu pethau mewn arian tramor neu am ddefnyddio'ch cyfrif wrth deithio dramor.

Fel pob cyfrif banc, gallwch wneud y canlynol:

- trefnu bod eich cyflog, eich budd-daliadau, ac unrhyw incwm arall yn cael eu talu i'ch cyfrif
- talu arian a sieciau i mewn am ddim (os nad ydynt mewn arian tramor)
- codi arian dros y cownter neu o beiriant arian
- talu biliau rheolaidd drwy ddebyd uniongyrchol neu archeb sefydlog
- gwirio balansau cyfrif dros y cownter, ar beiriant arian, ar-lein neu ar eich ffôn symudol
- defnyddio cerdyn debyd i dalu am bethau mewn siopau ac ar-lein.



Gweler ein harweiniad ar-lein i gyfrifon banc sylfaenol heb ffi yn: moneyhelper.org.uk/cyfrifau-banc-sym-l-heb-ffi

➔ A gaf i agor cyfrif banc sylfaenol heb ffi?

Mae cyfrifon banc sylfaenol heb ffi ar gael i rai pobl yn unig. Gall banc neu gymdeithas adeiladu sy'n darparu cyfrifon banc sylfaenol heb ffi roi gwybod i chi a allwch agor un.

Dylech fod yn gymwys i agor cyfrif os:

- nad ydych yn gymwys i gael cyfrif cyfredol arferol
- ydych yn cael problemau ariannol ac am agor cyfrif banc sylfaenol heb ffi gyda'ch darparwr presennol neu ddarparwr arall.

Os ydych o dan 18 oed

Mae angen i chi fod o leiaf 16 oed i agor cyfrif banc sylfaenol heb ffi, ond yr isafswm oedran ar gyfer rhai cyfrifon yw 18. Os ydych o fan 18 oed, gwnewch yn siŵr eich bod hefyd yn cymharu cyfrifon banc heb ffi â chyfrifon cyfredol pobl ifanc eraill.

Cyfrifon ar y cyd

Gallwch agor cyfrif banc sylfaenol heb ffi ar y cyd os yw'r ddau ohonoch yn gymwys i agor un.

Os cawsoch eich dyfarnu yn fethdalwr

Efallai y gallech agor gyfrif banc sylfaenol heb ffi os ydych yn fethdalwr nas rhyddhawyd a'ch bod yn gymwys i agor un.

Os oes gennych euogfarn

Efallai y cewch eich gwrthod ar gyfer cyfrif os cafwyd chi yn euog o dwyll neu wyngalchu arian.

Gweler *Egluro'r jargon* ar dudalen 10.



Sut i agor cyfrif banc sylfaenol heb ffi

Fel arfer, gallwch wneud cais am gyfrif banc heb ffi:

- yn bersonol
- drwy'r post
- dros y ffôn
- ar-lein.

Rhaid i chi ddarparu prawf hunaniaeth (ID) swyddogol cyn y gallwch agor cyfrif banc sylfaenol heb ffi. Efallai y bydd angen i chi gadarnhau'ch cyfeiriad hefyd.

Gallai prawf swyddogol o'ch hunaniaeth gynnwys:

- pasbort
- trwydded yrru.

Defnyddio llythyrau swyddogol i brofi'ch ID a'ch cyfeiriad

Os nad oes gennych basbort neu drwydded yrru, efallai y bydd eich banc neu gymdeithas adeiladu yn derbyn llythyrau swyddogol gan DWP, CThEF, y Ganolfan Byd Gwaith neu'ch cyngor lleol yn cadarnhau'ch hawl i fudd-daliadau, gan gynnwys Credyd Cynhwysol. Dylai'r llythyrau hyn gynnwys prawf o'ch cyfeiriad hefyd.

Efallai y bydd llythyr yn cadarnhau pwy ydych chi a lle'r ydych chi'n byw gan eich cyflogwr, coleg neu ddarparwyrr hyfforddiant hefyd yn cael ei dderbyn gan eich banc neu gymdeithas adeiladu.

Gallai ffurfiau derbyniol eraill o ID a phrawf o'ch cyfeiriad gynnwys llythyr gan berson mewn awdurdod, megis:

- landlord cymdeithasol
- rheolwr cartref gofal
- warden llety gwarchod, hostel neu loches
- swyddog o'r lluoedd arfog
- gweinidog yr Efengyl
- meddyg teulu.

Efallai y bydd dogfennau eraill gennych i brofi eich ID a'ch cyfeiriad os ydych chi'n:

- fyfyrwr rhyngwladol
- gweithiwr mudol
- ffoadur
- ceisiwr lloches
- carcharor
- ar brawf.

Pwynt allweddol

Mae'n syniad da mynd â phob dogfen sydd gennych i'w dangos i'r banc neu gymdeithas adeiladu fel y gallant benderfynu beth fyddant fwyaf tebygol o'i dderbyn.

Defnyddio eich cyfrif banc sylfaenol heb ffi

Un o'r rhesymau pwysicaf dros ddefnyddio eich cyfrif yw i wneud a derbyn taliadau wrth reoli eich arian o ddydd i ddydd.

Bydd eich cyfrif banc sylfaenol heb ffi yn caniatáu i chi:

- dalu arian i'ch cyfrif neu godi arian dros y cownter mewn canghennau.
- codi arian mewn Swyddfa Bost®
- defnyddio peiriannau arian o fewn y rhwydwaith LINK
- sefydlu debydau uniongyrchol neu archebion sefydlog o'ch cyfrif
- gwneud taliadau electronig eraill, megis talu cyflymach
- defnyddio cerdyn talu mewn siopau ac ar-lein.

Pwynt allweddol

Byddwch yn cael rhif cyfrif a chod didoli i nodi mai chi biau'r cyfrif.

Sicrhewch eich bod yn rhoi'r wybodaeth gywir i'r banc, cymdeithas adeiladu neu unigolyn sydd arno arian i chi.

Efallai na fyddant yn atebol os byddwch yn rhoi'r manylion anghywir ac mae'r arian yn mynd i'r cyfrif anghywir.

Cadw golwg ar eich arian

Gallwch ddewis rheoli eich cyfrif banc sylfaenol heb ffi dros y ffôn, mewn canghennau neu ar-lein. Gall hyn eich helpu i fynd i'r arfer pwysig o wirio balans eich cyfrif yn rheolaidd. Gweler *Egluro'r jargon* ar dudalen 10.

Bydd eich banc neu gymdeithas adeiladu yn rhoi datganiad print neu ar-lein rheolaidd yn dangos arian wedi'i dalu i mewn ac sydd wedi gadael eich cyfrif.

Gallwch wirio faint o arian sydd gennych a chael datganiad bacho beiriant arian yn dangos y trafodion mwyaf diweddar. Gallwch hefyd gael hysbysiadau testun i'ch ffôn neu lawrlwytho apiau symudol i wirio eich balans unrhyw bryd.

Pwynt allweddol

Os ydych yn cael trafferth i gofio neu ddefnyddio 'Chip a PIN', gallwch holi'ch banc neu gymdeithas adeiladu ynghylch defnyddio 'Chip a llofnod' neu stamp rwber yn lle. Gweler *Egluro'r jargon* ar dudalen 10.

Mae rhagor o wybodaeth am redeg eich cyfrif banc yn: moneyhelper.org.uk/rhedeg-eich-cyfrif-banc

Sut mae gwasanaethau cyfrif banc sylfaenol heb ffi yn gweithio

Mae cyfrifon banc sylfaenol heb ffi yn cynnig sawl gwasanaeth bancio, ond efallai na chewch yr holl wasanaethau sydd gan gyfrifon banc eraill.

Debydau uniongyrchol ac archebion sefydlog

Os ydych yn talu eich biliau drwy ddebyd uniongyrchol neu archeb sefydlog, ac os nad oes gennych ddigon o arian yn eich cyfrif banc sylfaenol heb ffi, ni fydd eich banc neu eich cymdeithas adeiladu yn gwneud y taliad. Byddant yn rhoi gwybod i chi os bydd hyn yn digwydd.

Er na fydd eich banc neu gymdeithas adeiladu yn codi tâl arnoch, rydych chi'n parhau'n gyfrifol am dalu'r bobl y mae gennych ddyled iddynt (eich credydwyd). Efallai y byddant yn codi tâl arnoch am fethu taliadau.

Efallai y bydd eich banc neu gymdeithas adeiladu yn canslo eich debyd uniongyrchol neu archeb sefydlog os nad oes gennych ddigon o arian i wneud taliadau.

Dysgwch ragor am ddebydau uniongyrchol ac archebion sefydlog yn:
moneyhelper.org.uk/debydau-uniongyrchol-a-taliadau-rheolaidd

Gorddrafftiau

Ni allwch gael gorddrafft wedi'i drefnu gyda'ch cyfrif banc sylfaenol heb ffi.

Os oes gan eich cyfrif gylchfa ragod, byddwch yn gallu tynnu arian o beiriant arian hyd at yr uchafswm hwnnw (fel arfer £10) hyd yn oed os nad oes gennych arian ar ôl.

Gweler *Egluro'r jargon* ar dudalen 10.

Ni fydd eich banc na'ch cymdeithas adeiladu yn codi tâl arnoch am fynd i orddrafft hyd at derfyn y trefniant. Ond rhaid i chi dalu arian i'ch cyfrif fel y bo mewn credyd unwaith eto cyn gynted â phosib.

Ffioedd a thaliadau

Ni fydd unrhyw ffioedd neu daliadau yn berthnasol wrth ddefnyddio eich cyfrif banc sylfaenol heb ffi pan fydd:

- eich pryniannau a'ch trafodion wedi'u cyflawni yn y DU
- taliadau rheolaidd yn cael eu gwrthod oherwydd nad oes digon o arian gennych yn eich cyfrif.

Bydd ffioedd a thaliadau'n berthnasol os ydych yn:

- codi arian o beiriannau arian sy'n codi ffi yn y DU neu dramor
- gwneud taliadau ar-lein mewn arian tramor, hyd yn oed os yw hyn yn y DU
- gwneud taliadau â'ch cerdyn dramor.

Pwy sy'n cynnig cyfrifon banc sylfaenol heb ffi

Gall unrhyw fanc neu gymdeithas adeiladu gynnig cyfrif banc sylfaenol heb

ffi, ond rhaid i'r rhai mwyaf ar y stryd fawr gynnig un i chi os nad oes gennych gyfrif banc a/neu nad ydych yn gymwys i agor neu ddefnyddio cyfrif cyfredol safonol. Y rhain yw:

Banc neu gymdeithas adeiladu	Enw'r cyfrif
Bank of Ireland UK	Cyfrif Arian Sylfaenol
Bank of Scotland	Cyfrif Sylfaenol
Barclays	Cyfrif Cyfredol Sylfaenol Barclays
Co-operative Bank	Cashminder
Halifax	Cyfrif Sylfaenol
HSBC	Cyfrif Banc Sylfaenol
Banc Lloyds	Cyfrif Sylfaenol
Metro Bank	Cyfrif Arian Parod
Nationwide	FlexBasic
NatWest	Cyfrif Sylfaenol
Royal Bank of Scotland	Cyfrif Sylfaenol
Santander	Cyfrif Cyfredol Sylfaenol
TSB	Cyfrif Arian Parod
Ulster Bank	Cyfrif Sylfaenol

Defnyddiwch ein hofferyn i gymharu ffioedd a chostau cyfrifon banc; gallwch hidlo'ch chwiliad i weld cyfrifon heb ffi yn unig:
moneyhelper.org.uk/cy/everyday-money/banking/compare-bank-account-fees-and-charges

Pan gaiff eich cais i gael cyfrif banc sylfaenol heb ffi ei wrthod

Ni all pawb agor cyfrif banc sylfaenol heb ffi. Bydd eich banc neu gymdeithas adeiladu am wirio eich bod yn gymwys cyn cymeradwyo eich cais.

Efallai y byddant yn gwrthod agor cyfrif banc sylfaenol heb ffi newydd os:

- gallech gael cyfrif banc arall, er enghraifft, cyfrif cyfredol safonol
- ni allwch ddarparu prawf o'ch hunaniaeth neu gyfeiriad
- rydych chi'n gwrthod gwiriad credyd (ond does dim rhaid i chi basio)
- maent yn meddwl y byddwch yn defnyddio'r cyfrif yn anghyfreithlon neu'n dwyllodrus, neu mae gennych gofnod o dwyll
- rydych yn fygythiol, yn sarhaus neu'n dreisgar tuag at staff. Mae pob banc a chymdeithas adeiladu yn gallu gwrthod ceisiadau gan bobl sydd â chofnod o dwyll.

Os caiff eich cais am gyfrif banc sylfaenol heb ffi ei wrthod, mae gennych hawl i ofyn pam.

Dylai eich banc neu gymdeithas adeiladu ddweud wrthych pam y gwrthodwyd eich cais, oni bai eu bod yn eich amau o dwyll neu wyngalchu arian.

Os na fyddwch yn cytuno â'r penderfyniad, ac os byddwch o'r farn bod gennych hawl i agor cyfrif banc sylfaenol heb ffi, gallwch gwyno wrth eich banc neu gymdeithas adeiladu.

Dysgwch ragor am sut i ddatrys problemau arian yn:
moneyhelper.org.uk/problems-ariannol

Pryd gellid cau eich cyfrif banc sylfaenol heb ffi

Gall eich banc neu gymdeithas adeiladu gau eich cyfrif banc sylfaenol heb ffi os:

- maent yn penderfynu eich bod nawr yn gymwys am gyfrif banc cyfredol safonol
- rydych yn agor cyfrif banc arall yn y DU
- rydych yn methu â bodloni amodau a thelerau'r cyfrif yn rheolaidd
- nad ydych yn defnyddio'ch cyfrif am fwy na dwy flynedd
- ydych wedi defnyddio'r cyfrif yn anghyfreithlon neu'n dwyllodrus, neu os oes pryderon y gallech ddefnyddio'r cyfrif yn y modd hwn
- byddwch yn fygythiol, yn sarhaus neu'n dreisgar tuag at staff.
- byddwch yn rhoi gwybodaeth anghywir neu gamarweiniol.

Bydd eich banc neu gymdeithas adeiladu'n rhoi rhybudd ysgrifenedig o ddau fis o leiaf i chi, gan egluro pam maent yn bwriadu cau eich cyfrif.

I glywed eich opsiynau os cewch eich gwrthod ar gyfer cyfrif, gweler ein harweiniad ar-lein i gyfrifon banc sylfaenol heb ffi yn:
moneyhelper.org.uk/cyfrifau-banc-sym-l-heb-ffi

Uwchraddio i gyfrif cyfredol gwasanaeth llawn

Gallai eich banc neu gymdeithas adeiladu adolygu o bryd i'w gilydd a fyddai cyfrif cyfredol gwasanaeth llawn yn well i'ch anghenion chi.

Byddant yn edrych ar:

- a ydych yn gymwys po hyd ar gyfer cyfrif banc sylfaenol heb ffi
- eich amgylchiadau ariannol
- sut rydych yn defnyddio'ch cyfrif.

Mae cyfrifon cyfredol gwasanaeth llawn yn gweithio yn yr un ffordd â chyfrifon banc sylfaenol heb ffi, ac eithrio'u bod yn cynnig mwy o nodweddion, megis llog ar eich balans, a chynnyrch megis yswiriant neu gorddrafft.

Fodd bynnag, efallai y bydd hefyd rhaid i chi dalu llog a chostau am ddefnyddio cyfrif cyfredol gwasanaeth llawn. Er enghraifft, os caiff taliadau eu gwrthod am nad oes gennych ddigon o arian yn eich cyfrif neu os ydych yn defnyddio'r cyfleusterau orddrafft.

Rhaid i'ch banc neu gymdeithas adeiladu roi o leiaf dau fis o rybudd yn dilyn adolygiad, yn esbonio pam eu bod yn bwriadu eich symud i gyfrif cyfredol gwasanaeth llawn.

Os nad ydych yn sicr am symud o gyfrif heb ffi i gyfrif sy'n codi ffioedd, siaradwch â rhywun am beth y gallwch ei wneud cyn gynted â phosib.

Gallwch hefyd ystyried newid i gyfrif banc sylfaenol heb ffi gyda banc neu gymdeithas adeiladu arall.

Dysgwch ragor am ddewis y cyfrif banc cywir y:
moneyhelper.org.uk/dewis-y-cyfrif-banc-cywir

Os bydd pethau'n mynd o chwith

Gall camgymeriadau ddigwydd, ond mae pethau y gallwch chi a'ch banc neu gymdeithas adeiladu eu gwneud i gywiro hyn.

Os oes gennych gŵyn am y gwasanaeth a dderbyniwch, yn y lle cyntaf cysylltwch â'ch banc neu gymdeithas adeiladu i roi cyfle iddynt ddatrys y broblem.

Dylent edrych ar eich cwyn ac ateb o fewn wyth wythnos.

Os nad ydych yn fodlon ar yr ateb a gewch, efallai y gallech gyflwyno'ch cwyn i Wasanaeth yr Ombwdsmon Ariannol i weld os gallant eich helpu.

Rhaid i'ch banc neu gymdeithas adeiladu roi manylion y gwasanaeth Ombwdsmon am ddim hwn i chi pan fydd yn eich ateb. (Gweler y *Cysylltiadau defnyddiol* ar dudalen 11)

Dysgwch ragor yn:
moneyhelper.org.uk/problemau-ariannol

Mae unrhyw arian a ddelir mewn cyfrif banc sylfaenol heb ffi wedi'i ddiogelu o dan gynllun gwarant adnau FSCS, sy'n diogelu hyd at £85,000 y person. Golyga hyn os bydd eich banc neu gymdeithas adeiladu yn mynd i'r wal, bydd gennych sicrwydd hyd at y swm hwn.

Dysgwch ragor yn:
fscs.org.uk

Egluro'r jargon

Archeb sefydlog

Ffordd o dalu biliau o'ch cyfrif. Rydych chi'n llofnodi ffurflen a anfonir atoch gan y cwmni yr ydych yn ei dalu. Mae hyn yn nodi'r swm sydd i'w dalu a'r dyddiadau talu. Yna byddwch yn rhoi'r ffurflen hon i'ch banc neu gymdeithas adeiladu, sy'n talu'r symiau o'ch cyfrif i'r cwmni yn awtomatig ar y dyddiadau y cytunwyd arnynt. Rhaid i chi ddweud wrth eich banc neu gymdeithas adeiladu os bydd angen newid y swm neu'r dyddiadau.

Arian yn ôl

Gwasanaeth sy'n eich galluogi i gael canran o'ch gwariant yn ôl mewn archfarchnadoedd neu siopau eraill, drwy ddefnyddio eich cerdyn debyd.

Balans

Cyfanswm yr arian yn eich cyfrif.

Cerdyn debyd

Cerdyn a gyhoeddwyd gan fanc neu gymdeithas adeiladu a ddefnyddiwyd i godi arian neu i dalu am bethau a brynwch mewn siopau neu ar-lein. Cymerir yr arian o'ch cyfrif ar unwaith fel arfer.

Chip a PIN

Yr enw ar ddefnyddio Rhif Adnabod Personol (PIN) i awdurdodi taliad o'ch cyfrif.

Cyfriflen

Rhestr fanwl o'r holl daliadau i mewn ac allan o'ch cyfrif dros gyfnod o amser, er enghraifft un mis. Gofynnwch i'ch banc neu gymdeithas adeiladu pa mor aml y mae'n darparu cyfriflenni.

Cylchfa ragod

Swm bach o gredyd y gallai banc neu gymdeithas adeiladu ei roi i chi, er mwyn i chi allu codi arian o beiriant arian hyd yn oed os nad oes gennych ddigon o arian yn eich cyfrif.

Debyd Uniongyrchol

Ffordd o dalu biliau o'ch cyfrif. Rydych yn llofnodi ffurflen sy'n caniatáu i'r cwmni yr ydych yn ei dalu i gymryd yr arian yn uniongyrchol o'ch cyfrif ar ddyddiadau penodol. Rhaid i'r cwmni roi gwybod i chi ymlaen llaw cyn newid y swm y mae'n ei gymryd neu ddyddiadau'r taliadau.

Gorddrafft

Cyfleuster sy'n caniatáu ichi wario mwy o arian o'ch cyfrif nag sydd gennych ynddo. Fel arfer, bydd y banc neu gymdeithas adeiladu yn codi llog arnoch os bydd hyn yn digwydd, ac weithiau ffioedd eraill hefyd. Ni chewch orddrafft gyda chyfrif banc sylfaenol heb ffi.

Gwiriad credyd

Chwiliad o'ch cofnod benthycu, a elwir hefyd yn sgôr credyd. Mae banc, cymdeithas adeiladu neu sefydliad arall yn gwirio eich credyd cyn iddynt benderfynu a ydynt am gymeradwyo eich cais i agor cyfrif banc.

Llog

Tâl am fenthycu arian, neu wobr am gynilo arian. Fel arfer, fe'i dangosir fel canran o'r swm rydych wedi'i fenthycu neu ei gynilo.

Methdalwr nas rhyddhawyd

Person sy'n methu talu ei ddyledion ac sydd yn parhau i fod ar y gofrestr methdalwyr.

Cysylltiadau defnyddiol

HelpwrArian

Mae HelpwrArian yn annibynnol ac wedi'i sefydlu gan y Llywodraeth i helpu pobl i wneud y gorau o'u harian drwy roi arweiniad diduedd ar arian a phensiynau i bawb ledled y DU – ar-lein a thros y ffôn.

I gael arweiniad diduedd am ddim ar unrhyw ymholiadau arian a phensiynau, gallwch gysylltu â ni drwy ffonio:

Arweiniad ar arian

0800 138 3944

Llun – Gwe 8am–6pm

+44 20 3733 3495

os ydych y tu allan i'r DU

Arweiniad ar bensiynau

0800 011 3797

Llun – Gwe 9am i 5pm

+44 20 7932 5780

os ydych y tu allan i'r DU

Neu ewch i moneyhelper.org.uk/cy

Gwe-sgwrs:

moneyhelper.org.uk/moneychat

[moneyhelper.org.uk/cy/](https://moneyhelper.org.uk/cy/pensionwise)

[pensionwise](https://moneyhelper.org.uk/cy/pensionwise)

WhatsApp:

+44 7701342744

(arweiniad ar arian)

Ymunwch â'n cymunedau ar-lein am gefnogaeth: [moneyhelper.org.uk/cy/blog/everyday-money/](https://moneyhelper.org.uk/cy/blog/everyday-money/come-and-join-our-online-communities)

[come-and-join-our-online-](https://moneyhelper.org.uk/cy/blog/everyday-money/come-and-join-our-online-communities)

[communities](https://moneyhelper.org.uk/cy/blog/everyday-money/come-and-join-our-online-communities)

Gwasanaeth yr Ombwdsmon Ariannol

0800 023 4567 neu 0300 123 9123

financial-ombudsman.org.uk

Defnyddiwch y dudalen hon i gofnodi'ch nodiadau

[illegible]

Defnyddiwch y dudalen hon i gofnodi'ch nodiadau

This image shows a single sheet of white paper with horizontal ruling lines. The lines are evenly spaced and run across the width of the page. There are no margins, text, or other markings on the paper.



Cyfrifon banc sylfaenol heb ffi yw un o'r arweiniadau sydd ar gael gan HelpwrArian. Mae'r Cyhoeddiad hwn ar gael yn y Saesneg. I weld hwn a'n hystod lawn o arweiniadau, ac i ofyn am gopiâu, ewch i **moneyhelper.org.uk/canllawiau-print-am-ddim**

HelpwrArian

Arweiniad ar arian **0800 138 7777**

Llun – Gwe 8am–6pm

Arweiniad ar bensiynau **0800 011 3797**

Llun – Gwe 9am i 5pm

Typetalk **1800 10800 915 4622**

Llun – Gwe 8am i 6pm

WhatsApp **+44 7701 342744**

Gwefan **moneyhelper.org.uk/cy**

Helpwr
Arian
Cynllion

Er mwyn ein helpu i gynnal a gwella ein gwasanaeth, efallai y byddwn yn recordio neu'n monitro galwadau. Gwybodaeth yn gywir ar adeg argraffu (Ebrill 2023). Adolygir yr arweiniadau hyn unwaith y flwyddyn.

*Mae galwadau am ddim. Er mwyn ein helpu i gynnal a gwella ein gwasanaeth, efallai y byddwn yn recordio neu'n monitro galwadau.